

宜章縣志 第三十九卷

序錄

前清德清俞太史樾修上海鎮海兩縣志於全書末附序錄一卷將歷次修志姓名並序文並錄之謂凡纂修郡縣志歷次纂修姓名及序文不能不錄然一展卷而連篇累牘不休亦殊取厭故創為序錄云今用其例將前此七修姓名序文依次錄之

明隆慶志 二年戊辰修

主修知縣黃應芳 廣東進士

纂輯教諭李文 河西人

鄺沾 縣士人

采摭顏欽 縣庠生

鄧承志 縣庠生

宜章縣志 廿九卷 序錄

明萬曆志 十七年乙丑

纂修知縣鄒魯 江西南黃人

明崇禎志 十二年亡卯

纂修知縣揚本厚 雲南鶴慶舉人

清康熙志 二十四年乙丑

纂修知縣鹿廷瑛 山東福山人

同輯教諭錢奇才 湖北黃陂舉人 訓導劉帶蕙 湖北武昌歲貢

分校縣人 王可憲 貢生

李會陽 貢生

黃崇慧 貢生

陳楚祐 貢生

段登亨 廩生

吳先致 廩生

譚瑶 廩生

王杰 廩生

段登揖 廩生

黃光祖  
廩生

胡懋徽  
廩生

吳國圮  
廩生

清康熙續志  
年六十  
壬寅

纂修知縣周士  
江山進士

同輯教諭曾得魯  
臨湘歲貢  
訓導李天祐  
醴陵貢生

分校縣人王杰  
貢生

李耀璠  
貢生

彭必琨  
廩生

鄧如俊  
廩生

李象宸  
廩生

鄧林桂  
廩生

楊春振  
廩生

蔡上玉  
廩生

吳國珪  
廩生

清乾隆志  
年二十  
丙子

主修知縣楊文植  
廣西舉人

知縣姜順  
山東進士

同輯教諭楊河  
新化舉人

訓導儲早  
靖州貢生

宜章縣志  
廿九卷  
序錄  
二

分校縣人吳家章  
拔貢

吳家邵  
拔貢

李淑龍  
廩生

督理吳聖瑜  
廩生

吳家芮  
監生

蕭世正  
廩生

李振冠  
廩生

鄧祥棟  
廩生

彭見龍  
廩生

李振繡  
監生

李淑嶸  
廩生

吳德昌  
廩生

藍為琦  
監生

溫聚椿  
監生

吳家榮  
廩生

鄧淑仁  
廩生

吳家培  
監生

李嵩  
廩生

柳朝剛  
廩生

清嘉慶志  
年二十  
乙亥

纂修知縣陳永圖  
四川涪州

彙纂龔立海  
巴陵貢生

黃本騏  
寧鄉舉人

協修 縣人李延芳廩生

參訂 教諭賀峻上鄉寧 訓導丁世璫陵醴

督刊 典史章廷和會浙稽江

理局 縣人宋中行生庠 鄭祥生庠

劉統濬生監 彭當扶經布政司

陳富運生庠

吳楚翔生庠

編校 劉享齡生廩 蕭祖禮生廩 吳楚翱生庠

彭韞珵生增

繕書 李毓錦生庠 李光燮生庠 譚為濤生廩

曾發甲生庠 李毓紀生童

宜章縣志 廿九卷 序錄 三

採訪 李增榜副 吳炯生增 歐陽剛生庠

歐陽宏震生庠 黃鳳池生庠 李枝茂生庠

蔡謀爻同州 彭紹紳生廩 譚百裕生廩

李儲英生增 蔣光湘生庠 鄭華樹生庠

劉統鳳同州

明隆慶志序

宜章僻在楚南絕徼山川盤鬱毓秀鍾靈正統宏治間名賢烈士如鄭司馬鄧司徒先後迭作余家居時意二公實行邑志必詳恨不得一閱也迨乙丑揀選茲土秋八月蒞任詣學宮首取邑志觀焉惟時庠生李子延本高子拱謂余曰邑之舊志向未

錄梓故抄謄遺錯不足觀也欲謁名宦鄉賢祠庠生鄧生鳳鳴曰邑之名宦鄉賢因遷改學宮遂廢迄今未之建也余愕嘆以爲闕典卽慨然有修建之志嗣臨預備交盤見倉場低狹木朽粟紅苦於賠償心甚憐之竊嘆曰此急務也尤當急圖乃於丁卯秋捐俸倡眾鳩工掄材擇善地而改作之越月落成咸稱便戊辰夏學憲冲宇顏翁按郴稽查邑之名宦鄉賢未舉命余速成卜於孟秋二十六日擇學宮之右興工創建適大羅山寇千餘攻刼鄰邑臨武水東日三驚報邑民洶戰於是集兵壯備糗糧發烏銃申請本州太守雲川黃翁暨守道璧川黃翁咸發兵救援至仲秋朔日眾兵奮擊斬級獲功寇敗奔遁活被虜男婦

## 宜章縣志

### 廿九卷

序錄

四

六十餘人宜之鄉落賴以無恙馴至初冬方措處甄料而創立之以崇祀典邑博李君毓峯洎庠生羅子宗堯鄺子紹龍詣余曰邑之闕典者三今已舉其二矣而志載不容緩也余始於仲冬朔旦集諸生慎簡庠生顏子欽鄧子承志採摭邑事蹟以成之又敦禮李君毓峯暨致政郡博鄺君雨溪總校閱之勞期月稿成亟以遺余且屬余引其端余啟而閱之曰志之作也凡以爲民也非徒備圖籍騁博洽以耀美觀也是故建置志而沿革可稽輿地志而廣輪可知民性志而寬猛可施俗尙志而豐儉可制陂堰志而水利可蓄學校志而人材可育戶口志而息耗可考貢賦志而徵斂可定官師志而履歷可鑒選舉志而人物

可徵城池志而防衛可肅秩祀志而功德可觀賢名志而素行可則方外志而邪慝可遠災祥志而警戒可省文藝志而體裁可採一展卷而邑之事蹟咸在目前千百年之所未載者至是而有可據矣遂命工鋟梓以答諸士之心至於補遺增闕尙有望於後之君子云知縣黃應芳序

又序

夫誌者志也所以志郡邑天下之事以示不忘也粵稽諸古若唐虞之典謨有夏之禹貢商周之雅頌名雖爲經實則史也下逮秦漢以迄唐宋亦莫不有編年以紀其實故其時治道之隆污風俗之美惡人物之盛衰雖千百禩一展閱間歷歷可考如

宜章縣志

廿九卷

序錄

五

指諸掌甚矣志之不可已也宜章爲郴之隸邑僻處南徼自我朝洪武開國以來令茲土者不知凡幾欲修邑乘者蓋艱其人邑侯東梧黃公粵南才產也自少穎敏有大志嘉靖乙卯魁鄉薦屢射策於金門乃弗獲一大展歲乙丑揀選來尹吾邑下車之初首詢父老及士大夫曰宜章舊有志乎咸對曰未也乃喟然歎曰宜亦古邑而未有志缺典也越三年政通人和百廢俱興欣然以修志爲己任於是卜日詣學乃命邑博李君郁峯庠生顏子欽鄧子承志惟纂輯是任沾老朽謝學政歸自中州拂枕山阿方圖與鹿豕偃息於長林豐草間辱侯不棄造廬致詞亦命在供役中沾竊惟志之時義大矣哉上辯星分明天道也

下紀疆域昭地道也而其間又備載官師人物忠孝廉節盡人道也嗚呼一志成而天地人之道備焉是豈細故也哉沾不敏勉強從邑博後偕顏鄧二子殫心纂輯協力蒐羅微者顯之幽者闡之缺者補之庶不負侯之委托然其文頗直其事頗核俾後之采輯者有所張本云邑人鄭沾序

明萬歷志序

不佞承乏宜章宜俗君子尙禮黎庶愿樸雖稍衝疲而民鮮爭訟昔苦催科今加撫字卽子來輸納無煩督責所謂以齊魯待人而人亦自以齊魯之人待其身也以故不佞日惟與師生父老勸農講學考古求治妄惟古者列國皆有史官掌記時事無

宜章縣志

廿九卷

序錄

六

論本國政治得以大書特書卽天王來聘齊衛胥命悉得例載今之郡縣卽古列國也而史官久廢故善惡湮而勸懲廢莫若選有識者爲教官俾專其事凡本縣政治鄉衮行己民俗醇醜與夫當道善政之下郡邑者悉聞學官皆得例書固緘密室或一世再世臺省奏請嚴核纂修一存本邑一解史館庶善惡有稽而真僞可辨也亟申主者而未報暇日姑與博士弟子員考訂舊志殘缺者補之煩蕪者刪之亥豕者正之一展卷間若星分若疆域若官師之履歷人才之出處世道之升降名賢之題詠數十年之所未備者一旦而指諸掌矣至於掌記以定邪正垂勸戒尙有俟於後來云知縣鄒魯序

明崇禎志序

今上勵精太平於寰宇諸縣令尤加意綜覈爲元元又安計甚殷焉蕞爾古義章據湖南上游實巖邑也予於甲戌秋奉命蒞茲土見縣治僻在邊陲地瘠民稀當粵閩孔道頗衝疲且南接獐獠西鄰臨藍非無事之國也不遑寧處有同蚊負竊謂治邑如理身然察其形容審其脉理度藥石膏梁無偏任之患而張弛競綵可對證施也急索志載以資稽覽乃奉委兼攝桂陽間關二百里兩地奔馳無有暇刻三閱月而正印甫至始獲息肩又臨藍坑徒嘯聚攘劫震鄰於是私上書當事極意綢繆一副肝腸并爲兵戎用亡何賊氛日熾竟成燎原蠶食我邊疆騷動

宜章縣志

廿九卷

序錄

七

我郊堡甚至犯郴桂犯衡沙又甚而犯江犯廣若袁吉若昌韶悉流毒焉幸聖天子憂厯南顧合四省之力興六月之師宜以密邇賊巢故楚贛廣之監軍監紀暨將若兵雲集於宜無慮六七千眾其行糧米鹽屝履之供豈細事哉余以軍務旁午形神俱瘁獨兵不呼庚民不號擾宜之元氣幸無恙也迄今而寇殄沸定環觀各處不無怨咨瘡痍未起者余釋寇爲外懼叨獲內寧自鬻宮以及寺觀自城隍以及橋梁道路自賦稅以及埠圳水利次第修舉鮮遺民恨居諸歲月屈指已五載矣余亦可以謝宜人矣惟是縣志未修猶爲缺典乃進諸庠友而謀之曰志非虛文也修志非末務也百年以前科目綦盛最顯赫者無如

鄴鄧二公無論立朝大節彪炳當代凡爲梓里後學地靡不周  
詳嗣是七八十年科名寥落代興乏人此間不無遺逸失次文  
獻不足殆謂是耶余小子承乏令長何敢讓焉適包君以遊學  
至博洽典故修明乘載特其餘技遂邀以纂輯三浹旬而有成  
是役也合諸君子之見聞經包君之討論宜之山川形勝城郭  
規模與夫人物賦役民風禋祥之類無不犁然具備庶足以昭  
實錄而備勸懲其於聖天子嘉惠元元潤色太平之意不無少  
補自是地靈人傑英賢輩出步武鄴鄧二公舉志林重光之百  
年猶接踵也以俟後之君子知縣楊本厚序

清康熙志序

宜章縣志

廿九卷

序錄

八

昔楚左史倚相能讀三墳五典八索九邱孔安國曰九州之志  
謂之九邱邱聚也言土地所產風氣所宜悉聚此書也至孔子  
述職方而廢九邱春秋後志遂無傳班固修漢書作地理等志  
志之名昉此初猶附史以行後於史外另爲一書國有統志省  
有通志郡有郡志邑有邑志自首善迄遐陬無一遺者嗚呼備  
矣余出守楚南睹諸上臺所輯楚省通志雄偉瑰麗如涉巨川  
如泛滄海因不揣固陋亦取郴志而編葺之宜邑界連東粵志  
久殘脫芝陽鹿年翁以班馬之才奏卓魯之績鳴琴之暇偕錢  
劉兩學博從事蒐討文質繁簡期於適中筆削去取歸於至當  
不獨有以補啟禎後五十七年之缺遺併舉隆萬以前數百年



典故皆有以核實而增新焉編既竣間序於余余竊惟制禮作樂損益百王建萬世之太平垂子孫之法守者吾君吾相事也偃武揆文觀風問俗使兵氣銷爲日月蠻瘴銷作雲霞者督撫諸上臺勲也上宣主德下達民情與各屬賢司牧涵濡休息以沐浴聖朝之雅化者刺史職也生聚教訓興廢舉頽俾戶口田賦人文風俗皆可報最天朝則良有司之選也今宜令鹿君治譜已成山川如故氣象維新人物猶舊絃歌日起賦不減而自平刑不措而自省以逮學校官師文事武備莫不秩然燦然是宜志之戶口田賦人文風俗即可指爲鹿君報最之書焉寧第爲一邑之傳書也哉郴州知州陳邦器序

## 宜章縣志

### 廿九卷

序錄

九

#### 又序

國家武功赫濯薄海內外罔不悉臣弓矢載橐文德是肆皇上聖明天縱稽古右文宸藻天章星流霞燦勅命儒臣宏開史館纂修會典一統志諸書皇哉唐哉著作之盛千古莫儔矣際斯遇者上之得簪筆彤廷潤色鴻業以仰佐休明次則牧守外地生聚教訓俾戶口田賦人文風俗皆可勒成一書上報天子庶爲不負所學以不負朝廷者耳庚申秋廷瑛承乏茲土憫邑乘殘缺欲圖修纂奈湯火甫離哀鴻未集故老鮮存遺編莫睹顧茲凋敝其何以志孔子曰我欲載之空言不如見諸行事之深切著明也冀竭駑鈍少効拊循俾戶口田賦人文風俗稍有起

色上之於朝足爲報政之書紀之於冊庶非齊諧之誕傳今信後或在茲乎乃才具謏劣六載來惟切痼瘵彌深蚊負雖咨訪日殷舊牒間出猶遜謝未遑者久之邑博錢君奇才劉君帶蕙同紳士進曰公蒞宜六載矣庶政維勤百廢具舉久憫邑乘殘缺欲圖修纂非其時乎失今不輯則故老殘篇日趨於盡將國家文治誰與宣而宜邑數百年興替誰與紀耶余曰唯唯否否夫宜志志宜也所以志宜之人物風土興衰利病以信今傳後也邊鄙不聳稽人成功民懷其居士樂其業自學校城垣以暨橋梁道路靡不次理韜鈴者不睹烽煙選舉者惟聞絃誦今之宜固少異昔之宜也但凋殘甫起賢書未登營房未建皆六載

## 宜章縣志

### 廿九卷

序錄

十

來時切於心未旦夕忘者也顧興廢舉墜余心也言念茲志自巳卯後五十餘年不修矣敢終聽其殘缺失序乎請以從事爰諏文學集遺老廣摭故實博採遺編斷碑蠹簡皆有足珍稗說方言亦所不棄延錢劉二君同司編輯本舊志爲刪潤而增以五十七年之軼事至提綱撮要起例發凡折衷去取比事摛詞余亦不憚厥勞焉開局於乙丑初秋閱四月始竣志旣成余見夫輿地星野之歷歷也生齒田廬學校之井井也文武官寮人文科貢孝友貞烈之秩匕也靈境仙都之燦燦也不禁作而嘆曰大哉志乎此皆國家教養之遺澤也宜地處嶺表南控百粵北障三湘曩者逆賊煽虐王師進討金戈鐵馬犀甲牙旗環集

茲地何暇親翰墨攻文史乎今時未數年而西山藏帙漸出人  
間濟南伏生猶堪口授遂克勦茲盛典哀輯成書固宜士性耽  
文墨流離不廢亦國家之文化有以涵濡而誕被之也故既幸  
邑乘之獲傳而尤慶朝廷文明之治雖遐陬僻壤亦所不遺俾  
下吏亦獲藉是以報政焉知縣東牟鹿廷瑛序

又序

天體莫測仰觀列宿盡之矣地勢莫量俯視輿圖盡之矣然統  
觀而並視之渾淪磅礴瀚漫無涯何如分列而詳著之條陳縷  
晰一展卷間而普天率土咸在指顧中也大海爲百谷王亦必  
總中原之爲江爲淮爲河爲漢爲沅爲濟爲伊爲洛諸水之透

宜章縣志

廿九卷

序錄

十一

迤曲折計之而後知朝宗於海合眾流始有歸宿云耳輿圖之  
大亦然我皇上聲靈赫濯仁威丕振統天下之海內海外若滿  
若漢混一區宇而無外矣故詔直省諸郡邑繪山川之繡錯紀  
道里之遠近綜人物之品類撮古今之芳蹤彙輯成編進呈睿  
覽誠視天下爲一家之至意也與江淮河漢沅濟伊洛諸水之  
朝宗于海何異歟宜章彈丸一縣居三湘七澤之末聯五嶺百  
粵之徼萬山叢沓諸壑襟流土狹人稀擬如寒谷但自分疆列  
界以來雖黑子小丸其爲封域而郊圻畛甸劃然一固守也其  
爲營建而雉城隍濠巍然一保障也其爲賦役而輸將趨事羣  
然一急公也卽如學校雖屢遷不定而廟貌其煌煌矣卽如秩

官雖遞更不一而敷政其優優矣卽如武備雖守堠迭易而風威亦凜凜矣而且選舉一途在昔之科甲如雲在後之氣運不無間歇焉而且人物一案在昔之忠精貫日在後之儲養不無有待焉而且藝文殘闕不過擇其言尤雅者載之方外幻渺不過取其神而明者存之此宜志之所以成也志成而邑侯鹿公不欲匿爲私乘乃急壽諸梓編輯成帙於以達之州郡陳之省會卽附總志以上獻於天子是宜固黑子彈丸之邑未必不當御覽之一盼也教諭錢奇才序

又跋

宜志何昉乎自隆慶戊辰黃氏應芳始前此有志乎曰無有無

宜章縣志

廿九卷

序錄

十二

有則隆慶何以志也曰亦成其爲隆慶以前之志焉爾後此有志乎曰萬歷時鄒公魯續之崇禎時楊公本厚修焉自己卯迄今歲甲將周矣今不輯恐亦猶隆慶志之志洪永志宋元徒深慨慕焉耳余以壬戌夏司鐸來宜詢求邑志幾如枕中之秘邈不可得遍加蒐羅始稍稍間出亦煤封蠹蝕而殘缺不可竟讀其闕而未續者又五十餘年會勅史館纂修一統志令郡邑各以志上邑侯芝翁鹿公以山左名雋兄弟聯鑣一時都人士有二鹿之稱其治宜也以儒術飾吏事每念邑乘久湮欲圖修輯凡所爲持例發凡摛詞撫實公固已胸有成竹適上檄至不以帶蕙龔鄙俾亦在勸事中竊惟修志之難不難於仍舊而難於

增新魯魚亥豕可以意會其訛夏五郭公可以疑存其闕即舊牒而穢者滌之複者翦之遺者補之例之未符者更之而能事備矣增新則蒐覽必廣咨詢必詳宛委未啟孰發遺編郟子無朝誰陳官制則難在博採月旦鄉評豈無恩怨稗詞野乘半屬無稽則難在審真褒譏失當罪在千秋筆削稍嚴易滋眾忌則難在覈實顧茲三難非直同南史筆類董狐可輕任耶用是固辭焉鹿侯曰志有三難修惟一實子何懼焉如一人也遺蹟之有據者錄之而虛誕者不敢爭矣一事也輿論之僉同者採之而偏私者不敢陳矣一典制也本朝之釐定者紀之而前代自退聽矣卽此類推而增新之能事亦備矣余觀戊辰之志人病

## 宜章縣志

### 廿九卷

序錄

十三

其畧己卯之志人病其燕子能介於不畧不燕之間而新舊胥善矣帶蕙曰唯唯因與同寅錢子祗承公命而輯之於其成爲之跋訓導劉帶蕙跋

#### 康熙續志序

邑之有志所以紀政教維風俗俾已往者弗沒其善當事者克盡厥職並後來者有所則倣而激勸以故國有統志郡有總志而於州邑亦各有志雖疆域有大小之異記載有繁簡之殊要其所以立志之義一也歲庚子余奉檄來補任義章下車後考閱志乘昉於有宋備於前明迨至康熙二十四年乙丑東牟鹿君始倡紳耆修之迄今更歷三十餘載其間建置沿革所當續

增者幾何事秩官科貢所當續載者幾何人且簡篇之散失而磨滅者又不可勝數也豈不欲亟取而修之補之哉第涖政伊始百度未舉獄訟繁興方思振飭化導之不暇何敢以未嘗考證者遽筆之於書哉惟是夙夜匪懈求稱厥職自巽宮義學以及官廨漸次修補自城池倉庫以及塘堡漸次完葺至於緩催科而勤撫字恤孤寡而抑豪強與夫教化之敷盜賊之弭風俗之返薄而歸厚雖自慙薄德未臻成效而三載以來惕惕於心實未敢須臾忘也顧尤念前賢之於邑乘勞心纂輯捐俸刊梓冀垂永久豈知未及四十年而板帙殘缺篇章散失若不及今增補慎厥收藏將廢成書而失考據伊誰之責歟爰搜原本逐

## 宜章縣志

### 廿九卷

序錄

十四

一校正手自抄錄付諸剞劂並乙丑後營建祀典秩官科舉名宦節義悉核實而續增之至若宜邑人文蔚起戶口繁盛將來藝文之宏博丁賦之日增科名之接踵所宜彙進而昭示者正未有艾尙有待於後之君子焉知縣崑山周 士序

### 乾隆丙子志序

志所以紀實也備古今之掌故而爲輶軒所採擇其典不甚鉅哉宜之有志由來尙矣自康熙二十四年東牟鹿令偕錢劉兩學博修輯之後崑山周令復續補之規模非不畧備越至於今遥遥數十載其間輿圖營建賦役學校以及秩官武備選舉人物與夫藝文方外等項時積而刺備世異而事殊蓋亦缺畧

實多將何以信今而傳後耶我國家稽古右文重熙累洽車書一統之盛亘古未有凡隸版圖者雖遐陬僻壤罔木涵濡大化彬彬郁郁宜雖邊徼而五嶺聚環韓昌黎所謂必有魁奇忠信才德之民生其間如故明鄜鄧二公皆卓卓可傳矧今承平日久所以鼓吹休明者不下於楚南諸大邑顧使紀載弗詳抱殘守缺伊誰之責歟余世居粵之桂林與楚接壤久知宜爲古文獻地歲壬子膺鄉薦因奉檄襄治桂陽密邇宜邑尤得悉其風土乙亥之嘉平月復奉檄委攝篆斯土適奉上憲纂修省志飭各郡縣彙造賫解邑紳士請將舊志重修輯焉余不敢以五日京兆辭爰商之學博楊君開館授簡越數月而工竣余循類省

## 宜章縣志

### 廿九卷

序錄

十五

覽而不禁憬然遐思矣昔夏書敷九土則三壤而紀載不遺於要荒周官小史外史掌邦國四方之志自公侯及子男國各立史二者皆志例也無論地之遠近大小凡疆里貢賦風土政治靡不犁然可考今宜居楚南邊服不等於要荒地不遜於子男繼自今官斯土者遍察乎俗宜政治而措斯得其方生斯土者周知乎典制勸懲而訓行遵其道將使邑之文獻比美大邦舍是編其何所考之抑更有冀焉嗣此以往見聞殊致前後異宜後之視今抑猶今之視昔後之君子倘憑是而蒐輯更精於以備掌故而供輶軒之所採者尤跂予望之矣

又序

志之作由來舊矣太史公有律曆等志而漢書因之唐宋元明代有成書擷秀敷華或自作論斷或援據未確疇能做磨經大義而榮如華袞嚴似斧鉞者歟余夙昔覽古雖稗官野乘不敢缺遺大要以□山取義爲斷今歲秋七月綰符章江諸生以邑志見投而撰次之勞大半多屬學博楊君聞其髫齡穎異早魁楚闈而學廣聞多故能運用如神茲所輯宜乘自圖象及雜志仰觀天文俯察地理旣麟麟炳炳朗若列眉而營建仍其舊風土錄其新賦役公平不傷南箕學校巍峩悉嫻典禮雖然宜人士所競尙者義耳昔之凜名義者釀爲忠孝顯爲官秩攄之爲

宜章縣志

廿九卷

序錄

十六

華國之文則巍科茂選也藏之爲名山之傳則詞賦騷歌也由是武夫得其果毅而奏膚功閨婦得其莊凝而矢貞節雖羽客之流浮屠之教暨夫災祥珍異何莫非義所見□也蒞斯土者奉朝廷之命循覽一方之星野城闕田賦桑麻官師守禦人文士女之風必將恢宏揚潤有以振其氣而配厥義雖未敢云期月三年克有成績亦於古人紀志之六要不敢托諸空言也歟知縣姜 順序

又序

志與史一也周禮邦國之志小史掌之四方之志外史掌之後儒以春秋周志國語鄭書釋邦國之志其卽今京畿之通志乎



以晉乘楚檇杙魯春秋釋四方之志其卽今郡邑之分志乎自秦廢封建爲郡縣今一邑之地實不下古伯子男之國其間山川土物人民之籍兵農禮樂之制官師人物之詳胥於志焉是考宜居嶺表爲楚粵通衢固南北咽喉地又自隋始立邑前此蓋古郴縣地韓子謂郴之爲州當中州清淑之氣蜿蟺扶輿磅礴而鬱積必有魁奇忠信材德之民生其間故自宋及明初掇巍科者纍纍相望如鄜司馬之忠節鄧司徒之勲名皆彪炳史冊豈非古文獻地哉此志之所以不苟也考宜志舊無刊本自明隆慶時東莞黃令偕邑博李郁峯始修而鋟諸版萬歷時宜黃鄒令畧採補十餘篇而鶴慶楊令於崇禎時踵其舊而增修

## 宜章縣志

### 廿九卷

序錄

十七

焉兵燹之後殘缺多矣本朝康熙二十四年東牟鹿令延邑博錢飛三劉衣荷搜輯規模粗具崑山周令復補綴於康熙六十年然不過營建祀典諸項其前此義例之未精考核之未詳詞章之未惟魯魚亥豕之多訛尙未及一一更正迄今且七十餘年矣猶弗修輯無論訛謬難以傳後而其中山川土地人民之消息兵農禮樂之沿革官師人物之賢否湮沒弗彰何可勝數丙子奉文飭取宜邑遺事刻期編造申賫時桂陽別駕楊公攝篆斯土未數月而百廢員興慨然欲舉宜志而重修之以其事責諸河固辭弗獲爰開局授簡偕邑紳士吳子江亭等黽勉從事凡有表彰眾皆呈公核定工未竣而緹油駕旋復得曹州

姜公以名進士小試烹鮮來宰於宜深幸得所就正亦惟河是責乃成厥終適奉檄調倉卒叙之夫志等於史史豈易作哉觀古三長五難三等四患之說自非直同南董筆擅馬班曷克勝任河之從事茲役實深懼焉既又念二公責任之專用竭魯鈍廣徵羣書以舊志爲藍本稽之州志參之他邑或變其例非故立異或仍其例不嫌雷同要皆必詳必慎期於義有攸當使官斯邑者識俗宜之所在而政教可以修齊生斯邦者知治化之所垂而風俗可以移易於以呈之上憲得悉一方情形即以採諸輶軒得備一方掌故而徵文考獻即一邑可見車書大同會歸有極之盛也河之微志庶少罄焉耳惟是寡昧之識每思廣

## 宜章縣志

### 廿九卷

序錄

十八

爲質證而憾未能者儻有君子俯鑒其愚而教正其謬則河也尤跂予望之教諭楊河序

#### 清嘉慶志序

最高而橫絕者五嶺黃岑爲第二騎田嶺郴任騎田比宜章在騎田南則宜章爲楚南最邊縣又最遠縣矣古人云史難創志郡縣之志原本史例嘗考摯虞畿服經縣邑山陵水泉鄉亭土地民物風俗先賢舊好靡不悉具齊陸澄聚一百六十家增爲地書任昉又採八十四家增爲地記是纂輯難於訂今更難於蒐古難於簡要更難於博綜况以最邊最遠之縣徵文考獻釐定是非歸於一當則纂筆視他縣爲尤難曩余供職庶常讀書

中秘仰窺冊府煌煌地志山經方書閭史野列麋分彙爲圖籍  
上闡皇輿之廣袤以昭大一統無外之規雖在遐幅邊幘罔弗  
涵濡聖澤義燾仁蒸式廓販章爲前代所未有宜章在漢晉屬  
郴縣一隅隋末蕭銑始析郴置縣三湘倚爲屏障百粵扼爲喉  
襟茶鹽販負四方之行商走賈鈴馱紛馳雖唐書地理列籍中  
下而在楚南邊遠地中實爲今日通衢要縣也余壬申自便江  
移篆來治迄今閱四載綜攬全境喜其風俗敦龐勤儉好義士  
家其學農世其耕山則洞壑峯巒厖厓叢列水則岑渚章武衣  
帶環流人物如鄭尙書鄧司徒之遺墟未荒榛莽英風碩學赫  
赫然震耀古今惟西莽牛頭猺山苗窟與粵之八排梅遼林菁

## 宜章縣志

### 廿九卷

序錄

十九

接壤前明設堡戍兵國朝參戎列幕防隘守險控馭周詳所貴  
邑有完書志其扼要經方燎如指掌恭逢史館續修一統志檄  
下郡縣余搜舊志自隆慶戊辰逮康熙壬寅五志久無傳本僅  
存乾隆丙子楊志體例雖甚精嚴其紀載源委混淆引据或未  
明確經今又閱甲子一週學校遷徙兵制裁撤官師選舉人物  
列女踵世遞增非亟加補葺何以信今傳後適儒庠宋中行李  
延芳等咸以續修爲請闔邑紳耆倡捐丹鉛劊劂諸費踴躍開  
局余以書延巴陵龔雲濤博士寧鄉黃花耘孝廉來總其成暇  
日相與發凡起例遍稽省州鄰縣諸志旁搜舊家詩文名巖碑  
版凡有關於吏治民生之大計土俗風物之細微攬摭網羅繪

圖二十立綱十八分目一百九十有奇成書二十四卷詳其疆域則桑欽水經吉甫郡縣犂然備舉也詳其人物藝文則肉譜姓苑楚紀楚風繁然博徵也以黃序言則象山記學吳鎰增庠知髦士之風久開於古以戎政口則飛虎名寨召募立堡知籌邊之制遞詳於今而且風產可登賈思勰之書金石可補趙明誠之錄仙釋怪誕亦足資睽車諸臯所未殫述蓋較比舊志繁蕪者刪之脫漏者補之疎畧未晰者廣爲疏參舛陋無文者飾以潤色編帙不溢於前掌故實增於舊夫豈欲矯枉前賢誇多鬪靡哉誠以縣界嶺嶠屹然爲南楚藩籬以封域區其壤以關隘慎其防以農桑教養齊其俗地雖處乎最邊最遠而風氣

宜章縣志

卅二卷

序錄

二十

同於中州最醇最重亦於斯卜焉宰是地者仰體聖朝亭育煦嫗之深仁一一悉其經畫乃因時制宜而撫字催科藉以知所取法此則余所自勗更以告於後來者因敘其緣起以弁其端時嘉慶二十年歲次乙亥仲秋之吉賜進士出身前翰林院庶吉士勅授文林郎充湖南鄉試丁卯戊辰癸酉三次同考官知宜章縣事涪州陳永圖撰